



Broj: 04/2—33-5-417/21 S.B.

Datum, 08 -02- 2021

SKUPŠTINA

KANTONA SARAJEVO

N/r **gospodin Elvedin Okerić, Predsjedavajući Skupštine Kantona Sarajevo**

Predmet: Odgovor na zastupničko pitanje

Primili smo Vaš akt broj 01-04-151-8/21 od 05.01.2021. godine kojim ste nam prosljedili inicijativu zastupnika Elmedina Konakovića koju je pokrenuo na 32. Radnoj sjednici Skupštine Kantona Sarajevo održanoj 05.01.2021. godine u okviru tačke dnevnog reda “Poslanička/zastupnička pitanja, inicijative i odgovori”, a kojom je traženo da se “osigura zdravstveno osiguranje svim povrtnicima koji se odjave sa područja Kantona Sarajevo i prijave adresu na području manjeg BH entiteta Republika Srpska”.

S tim u vezi dostavljamo sljedeće:

Pravo na zdravstveno osiguranje građani Federacije ostvaruju u skladu sa Zakonom o zdravstvenom osiguranju (“Službene novine F BiH”, br. 30/97, 07/02, 70/08, 48/11 i 36/18) i drugim zakonima i propisima donesenim na osnovu zakona. Odredbama članova 19. – 27. Zakona definišu se lica kojima se može utvrditi svojstov osiguranika odnosno osiguranog lica i pod kojim uslovima, a član 53. Zakona propisuje, da prava iz zdravstvenog osiguranja može ostvarivati samo lice kojem je utvrđeno to svojstvo. Da bi Zavod mogao da provede postupak utvrđivanja svojstva osiguranog lica neophodno je da se prethodno izvrši registracija svakog lica u Jedinstvenom registru koji je u skladu sa Zakonom o jedinstvenom sistemu registracije, kontrole i naplate doprinosa (Službene novine Federacije BiH”, broj: 42/09, 109/12, 86/15 i 30/16) uspostavljen i vodi se u Poreznoj upravi F BiH. U postupku registracije Porezna uprava svakom osiguranom licu dodjeljuje lični identifikacioni broj. Upisom u Jedinstveni registar subjekt upisa smatra se registriranim u vanbudžetskim fondovima te se u Zavodu ne vrši direktna registracija, nego isključivo koristi baza podataka Porezne uprave. Poslodavci i drugi obveznici uplate doprinosa podnose prijave za upis lica u Jedinstveni registar Porezne uprave u svrhu ostvarivanja prava iz zdravstvenog osiguranja u skladu sa Pravilnikom o podnošenju prijave za upis i promjene upisa u Jedinstveni sistem registracije, kontrole i naplate doprinosa (“Službene novine Federacije BiH” br: 73/09, 38/10, 77/10, 9/11, 1/13, 83/14, 1/15, 48/16, 25/17, 53/19 i 93/19), koji je donio federalni ministar finansija. Nakon provedene registracije, Zavod potvrđuje status osiguranog lica izdavanjem zdravstvene legitimacije.

Prava iz zdravstvenog osiguranja ostvaruju se u okviru kantona, na osnovu uplate propisanih doprinosa za zdravstveno osiguranje, koja se u skladu sa tačkom 6.1.4. Pravilnika o načinu uplate, pripadnosti i raspodjele javnih prihoda u F BiH (“Službene novine F BiH” br: 54/20, 55/20 - ispravka, 63/20 i 88/20) vrši na račun kantonalnog zavoda zdravstvenog osiguranja, prema mjestu prebivališta osiguranika, u iznosu 89,8 % i račun Zavoda zdravstvenog osiguranja i reosiguranja F BiH u iznosu od 10,2% propisane obaveze. Prema ovom Pravilniku, poslodavac izuzetno za zaposlenike sa prebivalištem u Republici Srpskoj i Brčko Distriktu, 89,8% iznosa uplaćuje u korist računa propisanih u Republici Srpskoj i Brčko Distriktu Bosne i Hercegovine.

Temeljem navedenih propisa, za lica koja su izvršila odjavu prebivališta sa području Kantona Sarajevo, radi povratka u mjesta prijeratnog prebivališta u R Srpskoj, ne postoji zakonski osnov za utvrđivanje statusa osiguranog lica, bez da se od strane nadležnih organa ne izvrše izmjene ovih propisa.

U vezi sa pokrenutom inicijativom, želimo istaći da je Skupština Kantona Sarajevo još 2013. godine donijela Zakon o pravima lica koja se iz Kantona Sarajevo vraćaju u mjesta prijeratnog prebivališta (“Službene novine Kantona Sarajevo”, broj 18/13). Zakonom se, između ostalog, za ova lica propisuju i uslovi za ostvarivanje prava na zdravstvenu zaštitu na području Kantona Sarajevo. Članom 13. navedenog Zakona propisano je da se prava iz oblasti zdravstvene zaštite, koja se utvrđuju ovim Zakonom, finansiraju iz sredstava Ministarstva zdravstva Kantona Sarajevo. Osim toga, Vlada Federacije BiH je 2014. godine donijela Odluku o ostvarivanju prava iz bolničke zdravstvene zaštite povratnika iz Federacije Bosne i Hercegovine u Republiku Srpsku u zdravstvenim ustanovama u Federaciji Bosne i Hercegovine (“Službene novine Federacije BiH” br:

84/14 i 36/15). Ovom Odlukom, a s ciljem poboljšanja bolničke zdravstvene zaštite povratnika u R Srpsku, povratnicima je omogućeno pravo na bolničku zdravstvenu zaštitu u zdravstvenim ustanovama na području Federacije BiH saglasno obimu i vrsti prava koji se grantuju svim drugim osiguranim licima u Federaciji BiH. Sredstva za provođenje ove odluke obezbjeđuju se u Budžetu Federacije BiH i doznačavaju Zavodu zdravstvenog osiguranja i reosiguranja F BiH. Način ostvarivanja bolničke zdravstvene zaštite povratnika regulisan je Uputstvom koje donosi Zavod zdravstvenog osiguranja i reosiguranja F BiH, koji i finansira pružene usluge.

Dakle, povratnicima u R Spsku, koji odjavom prebivališta u Kantonu Sarajevo u skladu sa važećim propisima iz oblasti zdravstvenog osiguranja, doprinosa i jedinstvne registracije, gube status osiguranog lica, donošenjem navedenog kantonalnog Zakona i odluke Vlade F BiH, omogućeno je korištenje zdravstvene zaštite na području Kantona Sarajevo odnosno F BiH i nakon povratka u R Srpsku pod uslovima koje propisuju ovi propisi.

S poštovanjem,



DIREKTOR

\_\_\_\_\_  
Sakib Katana, dipl.oec.

Dostavljeno:

1. Skupština Kantona Sarajevo;
2. Sektor za ekonomiku i finansiranje;
3. Sektor za pravne poslove;
4. a/a.